




SAMARQAND NAQQOSHLIK MAKTABI, SAMARQAND MAKTABI NAQQOSH, HUNARMANLARI.

Samarqand naqqoshlik maktabi - naqshlari Toshkent, Farg'ona naqshlariga o'xshab ketadi. Samarqand naqshlari *o'ta guldorligi*, *barg va gullarining badiiy harakatchanligi*, *jonliligi* bilan farq qiladi. Undagi *murakkab grixlar* va *o'simliksimon naqshlarni* aniq bir ritmik takrorlanishi kompozitsiyada ko'zga o'rnatilgan gulbutani namoyonda keng o'rin berilganligi va ularga mayin ishlov berilishi bilan *Buxoro naqshlariga* o'xshash. Samarqand naqqoshlik maktabini yaratishda «usta Rahmonxol, usta Jamoliddin (Mirjamol), usta Mahmud, usta Abdujabbor, usta Abduzohid, usta Sharif, usta Aminjon, usta Baqo» keyinchalik usta Jalol va Bolta Jalilovlar kabi naqqoshlar asos soldilar va bebaho hissalarini qo'shdilar.





Samarqand naqshlari o'zining nihoyatda boy guldorligi va elementlarning "jonli" harakati bilan ajralib turadi. Murakkab geometrik shakllar va o'simliksimon elementlar uyg'unligida Toshkent va Farg'ona maktablari ta'siri seziladi. Tarixan zangori ranglar ustunlik qilgan bo'lsa, keyinchalik yashil ranglar gammasidan foydalanish keng tus olgan.

USTA ABDUZOHID – (taxminan 1852-1917) - Samarqandlik naqqosh, mohir va chaqonligi bilan shuhrat qozongan. Usta Abduzohid shogirdlari usta Baqo, usta Abdugʻanilar bilan birga ishlagan: Abdu Darun majmuasidagi yangi ayvon (1908), Shoxizinda masjidi ayvoni (1908-1910), Boqi Baland masjidi (1910), Mahmud Xorazmiy masjidi asosiy ishlaridan.

SHAYXZODA MAHMUD (15-asr oxiri 16-asr) - naqqosh va musavvir. Behzod, Ogʻa Miraklardan taʼlim olgan. Avval Sulton Husayn Mirzo saroyida ijod etgan, keyinchalik (1529 y. Ubaydullaxon Hirotni egallagach) Mir Ali Hiraviy bilan birga Buxoroga kelgan, Behzod anʼanalarini davom ettirib samarali ijod etgan va oʻziga xos maktab yaratgan. Musavvir Hofiz Sheroziyning "Devon"i, Abdurahmon Jomiyning "Tuhfat ulafkor" (AQSH, Vashington, Sakkler galereyasida), "Haft manzar", Nizomiy Ganjaviyning "Mahzan ulasror" (Parij milliy kutubxonasida), Saʼdiy Sheroziyning "Boʻston" (Fransiya, Gulbekiyan va Kayr toʻplamida), "Ravzat ulmuhibbin" (Hindiston, Haydarobod, Salar Jang muzeyida) qoʻlyozmalariga miniatyuralar yaratgan.

MUROD SAMARQANDIY - mashxur naqqosh va mashxur atoqli musavvir. Murod Samarqandiy XVI asrda yashab ijod etgan rassom. Murod Samarqandiyning otasining ismi haqida ham hech qayerda hech nima berilmagan. Murod Samarqandiyning ayrim sharqshunos olimlar uni tugʻilgan va vafot etgan yilini aniq koʻrsatib bermaganlar. Murod Samarqandiy juda yoshligidanoq rasm chizishga kirishadi. U rasm chizishni eng oddiy elementlarini katta zexn bilan oʻrganadi. Yosh Murod tabiat elementlaridan oʻz rasmlari kompozitsiyasida foydalanishga, badiiy asarlar syujeti boʻyicha rasm ishlashga asosiy eʼtiborni qaratadi. U birgina rasm chizib qolmay badiiy asarlarni ham mutolaa qilib turar edi.





Ko'pgina manbalarda ko'rsatilishicha u davrda Xirotda Alisher Navoiy boshchiligida 40 a'zoga ega bo'lgan yetuk rassomlar xattotlar, me'morlar, musiqashunoslardan tashkil topgan **«Ilmiy kengash»** faoliyat ko'rsatar edi. Shu bilan birga Mirak Naqqosh rahbarligida **«Nigoriston» san'at akademiyasi** ham bu davr san'ati va madaniyati rivojida muhim o'rin tutgan holda Murod Samarqandiy ijodining ravnaqida ham katta ta'siri bo'lganligini ham aytib o'tishimiz joizdir. U Xusayn Boyqaro hamda Og'a Mirakdan ta'lim olgan. Uning Xirotda yashagan chog'idagi asarlari bizgacha yetib kelmagan. XVI asr 30-40 yillarida chizgan suratlarida 30 yaqini kashf etilgan. U xamma miniatyurachilar kabi shoir va buyuk mutafakkir Alisher Navoiy suratini ham chizgan.

Mir Alisher Navoiy chehrasi to'g'ri tasvir etilgan bo'lib chiqadi. Chunki Murod Samarqandiy ham Bexzod singari shoir mir Alisher Navoiy bilan birga bo'lgan. Mazkur surat 1931- yili Londonda tashkil etilgan Eron san'ati ko'rgazmasida namoyish etilgan edi. Xozir Texronda shoxanshox kutubxonasida saqlanadi. Biz Mir Alisher Navoiy suratini ko'zdan kechirar ekanmiz, u usta san'at egasi tomonidan chizilganligiga shubxa qilmaydi. U shoirning yuksak choqlarini tasvirlab, chehrasi ancha ma'nodor chizilganligini aniq namoyon etib turibdi. Uning ko'zlari risolidek, kimnidir diqqat bilan, bor fikri zikri bilan tinglayotgandek tuyulardi. Surat yuqorisida «Sur'atiy Amiri Kabir Mir Alisher» degan yozuv bor.

Samarqand naqqoshlik maktabining boshqa naqqoshlik maktablaridan farqli tomon

Samarqandda o'rta asrlarda qurilgan Shirinbeka og'o, Tuman oqo, Bibixonim, Qozizoda Rumiylar maqbaralari interyerida manzara tasviri ishlangan. Tadqiqotchi S.S. Davidov bu dalil bo'yicha G.A. Pugachenkova va L.I. Rempelning maqbara devoridagi manzara tasviri jannat ramzini ifodalagan, degan fikrlarni inkor etadi va bu manzaralar maqbara devorlarida o'rnatilishi lozim bo'lgan darcha ramzini ifodalagan hamda o'rta asrlarga xos maqbara xuddi jannatmakon bog' markazida o'rnatilgan saroy g'oyasini anglatgan, ya'ni *«Alloh uning joyini jannat bog'iga aylantirsin»*, degan iboraga asoslangan deb ta'kidlaydi. Bizningcha, mazkur olimlar fikri bir-biriga zid emas. G.A.Pugachenkova va L.I.Rempellarning fikricha, maqbara ichi jannatmakon bog' ramzini ifodalasa, S.S. Davidov bo'yicha esa marhum yotgan maqbara jannatmakon bog' o'rtasida joylashgan saroyni va uning darchalaridan jannat bog'i manzaralari ko'rinib turadi, degan ma'noni anglatgan. Ikkala tahlilda ham manzara tasviri jannat bog'i bilan bog'liq ramziy ifodani anglatgan. Samarqandda *Bibixonim, Tuman oqo* maqbaralari interyerida yil bo'yi ko'm-ko'k bo'lib turgan va terakka o'xshab bo'y cho'zgan *igna bargli sarv daraxti* surati ishlangan. Sarv (kiparis) daraxti ko'p xalqlar tafakkurida *o'lgan odam ruhining doimiy kelib turadigan joyi xisoblangan*. Doimo ko'm-ko'k libosga burkangan sarv daraxti doimiy xayot allegoriyasining o'ziga xos ko'rinishini anglatgan. Ko'pincha naqshlarning ko'rinish holati, buyumlarning shakli uning ramziy ifodasini belgilaydi. Jumladan, me'morchilikda ustunning ko'zaga o'xshash qismi, ko'zagi deb yuritiladi. Ko'zada suv saqlangan. Suvga xalqning e'tiqodi baland bo'lgan. Suv-hayot. Shuning uchun ham ustunning ko'zagi qismi hosildorlik ramzi xisoblangan. Nilufar guli, birinchi navbatda, quyosh ramzi bo'lgan, chunki qadimdan bu gulning holati osmonda quyoshning yo'nalishiga qarab o'zgarib turishi aniqlangan. Uch tanobli bargning yurakka o'xshatib ishlatilishi-zardushtiylikda adabiylik ma'naviyatini bildirgan va shunday ramziy ifoda bilan o'rta asr ornameitikasi dunyosiga kirib kelgan.




Bibixonim masjidi




Tuman oqo maqbarasi

O'simlik shoxchalarining daraxt ramzi o'rnini bosishi manixey dini simbolikasida ko'zga ko'ringan joyni egallagan. Markaziy Osiyo me'morchiligi devoriy suratlarida, xalq amaliy san'ati buyumlarida daraxt shoxchalari, gullar tasviri ko'p uchraydi. Daraxt shoxchasi hayot daraxti ma'nosini, dunyo tomiri va shon-shuhrati novdasi ramzini ifodalagan. Islom dini o'rnatilgandan so'ng daraxt shoxchalari naqshi saodat daraxti, ma'nosini anglatgan. Olimlarning aytishlariga qaraganda, shoxlari pastga yoyilgan daraxt naqshi - narigi dunyoni, shoxlari yuqoriga qaraganlari tirilish ramzini ifodalagan ekan Guldonlardagi butoq, shoxcha, guldasta tasvirlari esa osmoniy "hayot shajarasining ramzi hisoblangan. Lola - tabiatning uyg'onish ramzini ifodalagan. Buxoro turar joy ichki devorlarida, guldonlarda butoq tasviri keng qo'llanilgan.

Markaziy Osiyo xalq amaliy san'ati buyumlarida, devoriy naqshlarda doira, girix, uchburchak, romb kabi naqshlar keng qo'llanilgan. Ularda ham ramziy ma'nolar bo'lgan. Jumladan, doira, girix, uchburchak singari shakllar ko'pincha xonadonni, kishini xar xil ins-jinslardan asrovchi ramziy belgi vazifasini o'tagan. Geometrik naqshlar juda qadim zamonlardan buyon monumental bezakda qo'llanilib kelingan va har qaysisi o'ziga xos ramziy ifodaga ega bo'lgan.



Samarqand Shohi Zinda ansambli



Samarqand hovli mehmonxonasi